


詩所

三十一之四

			一	漢書門
		八	二	
		〇	一	
		一	七	
二	四	〇	七	類
冊	架	函	號	

庫	文	閣	內	
三		一		漢
九		一		書
函		二		
一		七		
七		四		
架		冊		類
		號		



五言古詩

內閣文庫	
番號	漢 11117
冊數	24 ( 19 )
函號	319 128



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



山陰縣志 卷二十一

五言古詩

淺草文庫

喜雨

魏陳思王植

天覆何彌廣苞育此羣生棄之必憔悴惠之則滋榮慶  
雲從北來鬱述西南征時雨中夜降長雷周我庭嘉種  
盈膏壤登秋畢有成

苦雨

阮瑀

苦雨滋玄冬引日彌且長丹墀自穢瘴深樹猶沾裳客  
行易感悴我心摧已傷登臺望江河陽侯沛洋洋

前題

晉傅玄

徂暑未一旬重陽翳朝霞厥初月離畢積日遂滂沱屯

五言古詩

卷二十一

一

五言古詩 卷三十一  
雲結不解長溜周四阿霖雨如倒井黃潦起洪波湍深  
激墻隅門庭若決河炊爨不復舉竈中生蛙蝦

詠日

湯谷發清曜九日棲高枝願得竝天御六龍齊玉羈

前題

張載

白日隨天迴暎暎圓如規踴躍湯谷中上登扶桑枝

霖雨

一作張協

霖雨餘旬朔濛昧日夜墜何以解愁懷置酒招親類啾  
啾絲竹作伶人奏竒秘悲歌結流風逸響迴秋氣

前題

一首後首一作傅咸

曹毗

洪霖彌旬日翳翳四區昏紫電光飛牖迅雷終天奔  
舉足沒泥濘市道無行車蘭桂賤朽腐粟米貴明珠

悅晴

嵇含

勁風歸巽林玄雲起重基朝霞炙瓊樹夕景映玉枝一作  
雲翔鳳晞輕翮應龍曝纖鬣百穀偃而立大木顛復持

前題

湛方生

屏翳寢神轡飛廉收靈扇青天瑩如鏡凝津平一作如  
研落帆脩江渚悠悠極長昞清氣朗山壑千里遙相見

衆星詩

傅玄

朗月共衆星日出擅其明冬寒地爲裂春和草木榮陽

德雖普濟非陰亦不成

江都遇風

庾闡

天吳踊靈壑將駕奔冥霄飛廉振折木流一作靈景登扶

搖洪川佇宿浪躍水迎晨潮仰盼感玄雲俯聽聒悲飈

從都還阻風於規林二首庚子歲五月作陶淵明

行行循歸路計日望舊居一欣侍溫顏再喜見友于鼓

棹路崎曲指景限西隅江山豈不險歸子念前途凱風

負我心戢柁守窮湖高莽眇無界夏木獨森疎誰言客

舟遠近瞻百里餘延目識南嶺空歎將焉如

自古歎行役我今始知之山川一何曠巽坎難與期崩

浪聒天響長風無息時久遊戀所生如何淹在茲靜念

園林好人間良可辭當年詎有幾縱心復何疑

望月

宋孝武帝

褰幕蕩暄氣入夜漸流清微風始發曖曖月初明思

因往物深悲以歸雲盈

泛湖歸出樓中望月

謝惠連

日落泛澄瀛星羅遊輕橈憇榭面曲汜臨流對迴潮輟

策共駢筵並坐相招要哀鴻鳴沙渚悲猿響山椒亭亭

映江月颺颺出谷飈斐斐氣羃岫泫泫露盈條近矚祛

幽蘊遠視蕩誼囂晤言不知罷從夕至清朝

五言古詩 卷三十一 三  
翫月城西門解中

鮑照

始見一作出西南樓纖纖如玉鈎末映東北墀娟娟似娥  
眉娥眉蔽珠櫳玉鈎隔鎖牕三五二八時千里與君同  
夜移衡漢落徘徊帷戶一作幌中歸華先委露別葉早辭  
風客遊厭苦辛仕子倦飄塵休澣自公日宴慰及私辰  
蜀琴抽白雪郢曲發一作繞陽春肴乾酒未闕金壺啟夕  
淪迴軒駐輕蓋留酌待情人

喜雨

謝莊

燕起知風舞礎潤識雲流冽泉承夜湛零雨望晨浮合  
穎行盛茂分穗方盈疇

前題

謝惠連

朱明振炎氣溽暑扇温颺羨彼明月輝離畢經中宵思  
此西郊雲旣雨盈崇朝上天愍憔悴商羊自吟謠

前題

鮑照

營社達羣陰屯雲一作連宮揜積陽河并起龍蒸日鬼歛游  
光族雲飛泉室震風沈羽鄉升霧浹地維傾潤瀉天潢  
平灑周海嶽曲潦溢川莊驚雷鳴桂渚迴涓流玉堂珍  
木抽翠條炎卉擢一作耀朱芳關市欣九賦京廩開萬箱  
無謝堯爲君何用知栢皇

苦雨

連陰積澆灌滂沱下霖亂沈雲日夕昏驟雨望一作朝  
日蹊潭走獸稀林寒鳥飛晏密霧冥下溪聚雲屯高岸  
野雀無所依羣雞聚空館川梁日已廣懷人邈渺漫徒  
酌相思酒空急促明彈

岐陽守風

差池玉繩高掩藹一作映瑤井沒廣岸屯宿陰懸崖棧歸  
月役人喜先馳軍令申早發洲迴風正悲江寒霧未歇  
飛雲日東西別鶴方楚越塵衣孰揮澣蓬思亂光髮

西陵遇風

五章獻康樂

謝惠連

我行指孟春春仲尚未發趣途遠有期念離情無歇戒

公僕良辰漾舟陶嘉月瞻塗意少悰還顧情多闕

曾兄感此別相送越垌林飲餞野亭館分袂澄湖陰悽  
悽留子言眷眷浮客心迴塘隱艫棧遠望絕形音

靡靡卽長路戚戚抱遙悲遙但自弭路長當語誰行  
行道轉遠去去情彌遲昨發浦陽汭今宿浙江湄語一作問

屯雲蔽曾嶺驚風湧飛流零雨潤墳澤落雪灑林丘浮  
氛晦崖巘積素惑原疇曲汜薄停旅通川絕行舟

臨津不得濟佇楫阻風波蕭條洲渚際氣色少諧和西  
瞻一作矚興游歎東睇起悽歌積憤成疾疴無萱將如何

酬從弟惠連五章

謝靈運

寢瘵謝人徒滅迹入雲峯巖壑寓耳目歡愛隔音容永  
絕賞心望長懷莫與同末路值令弟開顏披心胷  
心胷既云披意得咸在斯凌澗尋我室散帙問所知夕  
慮曉月流朝忌曛日馳悟對無厭歌聚散成分離  
分離別西川迴景歸東山別時悲已甚別後情更延傾  
想遲嘉音果枉濟江篇辛勤風波事欵曲洲渚言  
洲渚既淹時風波子行遲務協華京想詎存空谷期猶  
復惠來章祇足攬余思儻若果歸言共陶暮春時  
暮春雖未交仲春善遊遨山桃發紅萼野蕨漸紫苞嚶  
鳴已悅豫幽居猶鬱陶夢寐佇歸舟釋我吝與勞

和元日雪花 應詔

謝莊

從候昭神世息燧應頌道玄化盡天秘凝功畢地寶笙  
鏞流七始玉帛承三造委霰下璇蕤疊雪翻瓊藻積曙  
境寓明聯萼千里杲掩映順雲懸搖裔從風掃發祝燭  
侄前騰瑞光圖表澤厚見身未恩踰悟生眇竦誠岱駕  
肅側志梁鑾矯

白雪詠

鮑照

白珪誠自白不如雪光妍工隨物動氣能逐勢方圓無  
妨玉顏媚不奪素繒鮮投心障苦節隱迹避榮年蘭焚  
石既斷何用恃芳堅

發長松遇雪

土牛既送寒，一作冥陸方決馳。振風搖地局，封雪滿空枝。江渠今為陸，天野浩無涯。飲泉凍馬骨，斲冰傷役疲。昆明豈不慘，秦谷寧可吹。

奉和月下

齊王融

雕雲度綺錢，香風入珠網。獨知此夜月，依遲慕神賞。

落日同何儀曹照

謝朓

參差複殿影，氛氳綺羅雜。風入天淵池，芰荷搖復合。遠聽雀聲聚，回望樹陰杳。一賞桂尊前，寧傷蓬鬢颯。

觀朝雨

朔風吹飛雨，蕭條江上來。既灑百常觀，復集九成臺。空濛如薄霧，散漫似輕埃。平明振衣坐，重門猶未開。耳目暫無擾，懷古信悠哉。戢翼希驤首，乘流畏曝鰓。動息無兼遂，岐路多徘徊。方同戰勝者，去剪北山萊。

詠風

徘徊發紅萼，葳蕤動綠葳。垂楊低復舉，新萍合且離。步檐行袖靡，當戶思襟披。高響飄歌吹，相思子未知。時拂孤鸞鏡，星鬢視參差。

阻雪連句

積雪皓陰池，北風鳴細枝。九達密如繡，何異遠別離。謝朓



風庭舞流霞冰沼一作池結文澌飲春雖以煥欽賢紛若

馳江秀才革珠霽條間響玉溜檐下垂杯酒不相接寸心良

共知王丞融飛雲亂無緒結冰明曲池雖垂促席讌白首

信勿虧王蘭陵僧孺飄素瑩簷溜巖結噎通岐罇壘如未澣

况乃限音儀謝洗馬吳原隰望徙倚松筠竟不移隱憂恧萱

樹忘懷待山巵劉中書繪初昕逸翮舉日昃駑馬疲幽山有

桂樹歲暮方參差沈右率約

邊戍望月

梁武帝

秋月出中天遠近無偏異共照一光輝各懷離別思

奉和

簡文帝

今夜月光來正上相思臺可憐無遠近光照悉徘徊

詠朝日

團團出天外煜煜上層峯光隨浪高下影逐樹輕濃

奉和

劉孝綽

弭節馳暘谷照檻出扶桑園葵亦何幸傾葉奉離光

望月

簡文帝

流輝入畫堂初照上梅梁形同七子鏡影類九秋霜桂

花那不落團扇與誰粧空聞北窻彈未舉西園觴

奉和

庾肩吾

桂殿月偏來留光引上才圓隨漢東蚌暈逐淮南灰渡

河光不濕移輪轍詎開此夜臨清景還承終宴杯

奉和

劉孝綽

輪光缺不半扇影出將圓流光照滌瀆波動映淪漣

華月

簡文帝

兔絲生雲夜蛾影出漢時欲傳千里意不照十年悲

詠風

飄飄散芳勢泛漾下蓬萊傳涼入鏤檻發氣滿瑤臺委  
禾周邦偃飛颺宋都迴亟搖故葉落屢蕩新花開暫舞  
驚鳧去時送葢香來已拂巫山雨何用卷寒灰

奉和

沈約

樓上試朝粧風花下砌傍入鏡先飄粉翻衫好染香度  
舞飛長袖傳歌共繞梁欲因吹少女還持拂大王

奉和

庾肩吾

宋地鵑飛初湘川燕起餘掃一作掃壇聊動竹吹薤欲成

書蒼梧洞一作崦猶在合浦樹應疎陽鳥一轉翅千里定

非虛

奉和

王臺卿

浸淫一作侵望不可識去來非有情乍見珠簾捲時覺洞房  
清暫拂蘭池上澗淡玉波生一辯雌雄異還惡庶人輕

詠雲

簡文帝

浮雲舒五色 瑪瑙應霜天 玉葉散秋影 金風飄紫煙  
可憐片雲生 暫重復還輕 欲使襄王夢 應過白帝城

奉和 二首

吳均

飄飄上碧虛 藹藹隱青林 氛氳如有意 縈鬱詎無心  
白雲蒼梧來 過拂章華臺 逢河散復卷 經風合且開

賦得入階雨

簡文帝

細雨階前入 灑砌復沾帷 漬花枝覺重 濕鳥羽飛遲 儻  
令斜日照 併欲似遊絲

雨後

散絲與山氣 忽合復俄晴 雷音稍入嶺 電影尚連城 雨

仙雲稍薄 風收熱復生

開霽

景落商飈靖 煙開四郊謐 偃蹇暮山虹 遊揚峯下日 水  
紋城上動 城樓水中出 竟微共治功 空臥淮陽秩

詠煙

浮空覆雜影 含露密花藤 乍如洛霞發 頗似巫雲登 映  
光飛百仞 從風散九層 欲持翡翠色 時吐鯨魚燈

同劉諮議詠春雪

晚霰飛銀礫 浮雲暗未開 入池消不積 因風墮復來 思  
婦流黃素 溫姬玉鏡臺 看花言可折 一作插 定自非春梅

雪朝

同雲凝暮序嚴陰屯廣隰落梅飛四注翻雲舞三襲實  
斷望如連恒分似相及已觀池影亂復視簾珠濕

奉和

沈約

思鳥聚寒蘆蒼雲軫暮色夜雪合且離曉風驚復息嬋  
娟入綺牕徘徊驚情極弱桂不勝枝輕飛屢低翼玉山  
聊可望瑤池豈難卽

望江中月影

一作簡文帝

元帝

澄江涵皓月水影若浮天風來如可泛流急不成圓秦  
鈞一作鏡斷復接和壁碎還聯裂紈依岸草斜桂逐行船

卽此春江上無俟百枝然

詠霧

二首

曉霧晦階前垂珠帶葉邊五里浮長隰三晨暗遠天傍  
通似佳氣却望若非煙踈簾還復密斷棟更疑連還思  
逢樂廣能令雲霧褰

三晨生遠霧五里闔城闔從風疑細雨映日似遊塵乍  
若飛一作輕煙散時如佳氣新不妨鳴樹鳥時蔽摘花人

奉和

沈約

窈鬱蔽園林依霏被軒牖睇有始疑空瞻空復如有遊  
蛇隱遙漢文豹棲南阜旣殊三五輝遠望徒延首

細雨

元帝

風輕不動葉雨細未霑衣入樓如霧上拂馬似塵飛

詠新月

邵陵王綸

霜氛含月彩靄靄下南樓霧濃光若晝雲駛影疑流

奉和

劉瑗

仙宮雲箔捲露出玉簾鈎清光無所贈相憶鳳凰樓

詠日

李鏡遠

始臨東嶽觀俄升若木枝萍實詎儔彩合扇且慙規北  
林耿初曜圓窓鑒早曦照庭餘雪盡映簷溜滴垂徘徊  
匝花樹煜爚滿春池柳陰裁靡靡簾影復離離曾泉豈

守舍桑榆忽在斯迴戈安得中長繩不可羈冲情愛景  
落清宴惜光馳温暉徒已荷深心竊自知

奉和晚日

劉孝威

虬簷挂珠箔虹梁卷霜綃迷迭涵香長芙蓉逐浪搖飛  
輪搏羽扇翻車引落湖甘泉推激水迎風慙遠颺寄言  
王待詔因聲張子僑吾君安已樂無勞誦洞簫

應王中丞思遠咏月

沈約

月華臨靜夜夜靜滅氛埃方暉竟戶入圓影隙中來高  
樓切思婦西園遊上才網軒映珠一作綴應門照綠苔  
洞房殊未曉清光信悠哉

和徐主簿望月

庾肩吾

樓上徘徊只牕中愁思人照雪光偏冷臨花色轉春星  
流時入暈桂長欲侵輪願以重光曲承君歌扇塵

和繆郎視月

一作虞騫

何子朗

清夜未云疲珠簾聊可發泠泠玉潭水映見蛾眉月靡  
靡露方垂暉暉光稍沒佳人復千里餘影徒揮忽

望月有所思

劉孝綽

秋月始纖纖微光垂步簷臃臃入牀簾  
螢隱光息簾蟲映光織玉羊東北上金虎西南長門  
隔清夜高堂夢容色如何當此時懷情滿智臆

江上望月

鮑泉

客行鈎始懸此夜月將弦川澄光自動流駛影難圓蒼  
蒼隨遠色漾漾逐漪漣無因轉還汎迴首眷前賢

舟中望月

朱超道

大江濶千里孤舟無四隣唯餘故樓月遠近必隨人入  
風先透暈排霧急移輪若教長似扇堪拂艷歌塵

前題

周庾信

舟子夜離家望月華山明疑有雪岸白不關沙天  
漢看珠蚌星橋視桂花灰飛重暈闕螢落獨輪斜

在縣中庭看月

劉瑗

五言古詩 卷三十一 十三  
移榻坐庭陰初弦時復臨侍兒能勸酒貴客解彈琴  
栢葉生鬟內桃花出髻心月光移數尺方知夜已深

林下映月

劉孝綽

明明三五月垂影當高樹攢柯半玉蟾  
裊葉彰金兔茲林有夜坐嘯歌無與晤  
側光聊可書含毫且成賦

望新月

示同羈

何遜

初宿長淮上破鏡出雲明今夕千餘里  
雙蛾映水生的與沙靜灩灩逐波輕  
望鄉皆下淚非我獨傷情

望秋月

蕭子範

河漢東西陰清光此夜出入帳  
華珠被斜筵照寶瑟霜

憐庭上蘭風鳴簷下橘獨見傷心者  
孤燈坐幽室

詠秋月

虞羲

影麗高臺端光入長門殿初生似玉鈎  
裁滿如團扇泛濫浮陰來金波時不見  
儻遇賞心者照之西園宴

和王中書德克詠白雲

沈約

白雲自帝鄉氛氲屢迴沒蔽虧崑山樹  
含吐瑤臺月秋風西北起飄我過城闕  
城闕已參差白雲復離離皎潔在天漢  
倒影入華池將過丹丘野時至碧林垂  
九重迎飛燕萬里送翔螭

和劉諮議守風

何遜

彌旬苦凌亂揆景候阡陌晝想汝陽津夜夢鄴鄆驛憤  
風急驚片屯雲仍觸石簫條疾帆流碓礪衝波白息榜  
已云久維梢晨已積蒼蒼極浦潮杳杳長洲冬本慙  
飛劍寧慕澹臺壁織羅若不 歧予中上澤

樂口守風

劉孝綽

春心已應豫歸路復當歡如何此日風霾曠駭波瀾條  
見搖心慘俄瞻鄉路難賴有同舟客移宴息層巒華茵  
藉初卉芳樽散緒寒謔浪雖云善江流苦未安何由入  
故園詎即紉新蘭寄謝浮丘子暫欲假飛鸞

詠春風

何遜

可聞不可見能重復能輕鏡前飄落粉琴上響餘聲

前題

賀文標

排簾動輕幔一作灑水拂垂楊本持飄落藥翻送舞衣

香

詠入幌風

費昶

經堂一作汎寶瑟乘隙動浮埃鏘金驅響至舉袂送芳  
來能使蘭膏滅乍見珠簾開輕裾試一舉令子暫遲迴

奉和武帝苦旱

庾肩吾

陽山蛇不蟄洳澤鳥猶攢蹙息流膏雨將似怨祁寒文  
衣夜不臥蔬食晝忘餐潔誠同望祀惟馨等浴蘭江蘋



享上帝荆璧奠高巒繁雲興岳立蒸穴動龍蟠渭渠還  
積水滂池更起瀾

從駕喜雨

西嶽浮樽桂東皇事浴蘭赦詔還京兆歸神出灌壇濕  
風含酒氣陰雲助麥寒典農欣受職治粟喜當官復此  
隨車雨民天知可安

庭雨 應詔

沈約

出空寧可圖入庭倍難賦非烟復非雲如絲復如霧霖  
霖裁欲垂霏微不能注雖無千金質聊為一辰趣

和皇太子春林晚雨

劉孝威

雲樹交為密雨日共成虹雷舒長男氣枝搖少女風葉  
珠隨滴水簷繩下溜空蝶濡飛不颺花沾色更紅明離  
信養德能事畢春宮誰堪偶鳳吹唯有浮丘公

對雨

朱超道

當夏苦炎埃習靜對花臺落照依山盡浮涼帶雨來重  
雲吐飛電高棟響行雷灑樹輕花發滴沼細萍開汎沫  
繁堦草奔流起砌苔無因假輕蓋徒然想上才

擬雨詩 一作劉孝威

虞騫

清風送涼氣薄暮蕩炎氛虹照澗澗水電出塞我雲落  
暉散長足細雨織斜文

望夕雨

劉苞

崇朝構行雨薄晚屯密雲緣階起素沫竟水散圓文河  
柳低未舉山桃落已芬清罇久不薦淹留遂待君

望雨

劉孝威

清陰蕩暄濁飛雨入階廊瞻空亂無緒望雷耿成行交  
枝含曉潤雜葉帶新光浮芥離還聚沿漚滅復張浴禽  
飄落毳風荇散餘香璫綃挂繡幕象篔列華棘侍童拂  
羽扇厨人奉濫漿寄言楚臺客雄風詎獨涼

行還值雨又為清道所駐

齊楚磐石貴韓吳異姓王俱乘早朝罷相隨出建章喧

呼驚里閤叫吡駭康莊阜騶同隼擊青橐似鷹揚掖門  
南北遠複道東西長旛旗爭絡繹官騎鬱相望微風生  
棨傳輕雨潤帷裳油衣分競道小蓋列成行八舍便繁  
密五營輿服光迴車避司隸俄軒揖內郎况余白屋士  
自依一作休卑路傍日月雖臨照仄陋難明敷早榮羞日  
及晚知慙豫章徒抱凌雲志終愧摩天翔安能久淪辱  
圖南會有方

春暮喜晴

酬袁戶曹

何遜

振衣喜初霽寒裳對晚晴落花猶未捲時鳥故餘聲春  
芳空悅目游客反傷情鄉園不可見江水獨自清願得

同携手歸望對都城

望夕霽 一作簡文帝

王筠

連山卷亂一作雲長林息衆籟密樹含綠滋遙峯凝翠

靄石溜正深潺一作山泉始澄汰物華方入賞跂予心

期會

行舟值早霧

伏挺

水霧雜山烟冥冥不見天聽猿方忖岫聞瀨始知川漁

人感澳一作浦行舟迷沂汭日中氛靄盡空水共澄鮮

賦得露

顧焯

飛空猶蘊狀集物始成華萎黃病秋菊厭浥長春芽非

唯薄蔓草頗亦變蒹葭仍增江海浪聊點木蘭花

早露

劉儼

九畹凝芳葉百草瑩新珠盈荷雖不潤拂竹竟難枯

詠霜

張率

駟見視乾度鐘鳴測地機秋冬交代序申霜白綏綏原

野生暮靄堦墀散夕霏徘徊總嚴氣悵望淪清輝平臺

寒月色池水愴風威凝陰同徂夜遣鴈獨歸飛縈叢亂

蕪絕繁林紛已稀貞松非受令芳草徒具腓

上朝值雪

裴子野

沐雪欵千門櫛風朝萬戶集靄渝丹靛流雲飄繡柱滴

瀝垂土膏闌干懸石乳

校書秘書省對雪詠懷

劉孝綽

桂華殊皎皎柳絮亦霏霏詎比咸池曲飄飄千里飛耻  
均班女扇羞儷曹人衣浮光亂粉壁積照朗形闡鶴鴿  
搖羽至鴨鷓拂翅歸相彼猶自得嗟余獨有違終朝守  
玉署方夜勞石扉未能奏細綺何由辨國圍坐銷風露  
質遊聯珠璧暉偶懷笨車是良知高盖非寄言謝端木  
無為陳巧機

望雪

丘遲

氛氲發紫漢雜沓被朱城倏忽銀臺構俄頃玉樹生綿

綿九軌合昭昭四區明

前題

虞羲

歲杪雲晝昏玄池水夜結遠風金河起吹我玉山雪

詠雪 二首

吳均

微風搖庭樹細雪下簾隙縈空如霧轉凝階似花積不  
見楊柳春徒看桂枝白零淚無人道相思空何益  
雪逐春風來過集巫山野瀾漫雖可愛悠一作揚詎堪  
把問君何所思昔日同心者坐須風雪霽相期洛城下

前題

裴子野

飄飄千里雪倏忽度龍沙從雲合且散因風卷復斜拂

草如連蝶落樹似飛花若贈離居者折以代瑤華

和司馬博士詠雪

何遜

凝堦夜似月拂樹曉疑春蕭散忽如盡徘徊已復新暫  
蔽卷紈質復慙施粉人若逐微風起誰言非玉塵

詠春雪

寄族人治書思澄

可憐江上雪迴風起復滅本欲映梅花翻悲似玉屑朝  
鶯日弄響暮條行可結咸言不適時安知非矯節

同謝朓詠花雪

任昉

土膏候年動積雪表晨暮散葩似浮玉飛英若總素東  
序皆白玠西雝盡翔鷺山經陋蜜一作榮騷人貶瓊樹

前題

庾肩吾

瑞雪墜堯年因風入綺錢飛花灑庭樹凝瑛結井泉寒  
光晦八極同雲暗九天已飄黃竹路共慶白渠田

詠餘雪

沈約

陰庭覆素芷南階褰綠葳玉臺新落構青山已半虧

詠日華

陳徐陵

朝暉爛曲池夕照滿西陂復有當晝景江上鑠光儀時  
從高浪歇乍逐細波移一在雕梁上詎比扶桑枝

詠風

祖孫登

颿颺楚王宮徘徊繞竹叢帶葉俱吟樹將花共儻空飄

香雙袖裏亂曲五弦中試上高臺聽悲響定無窮

前題

阮卓

高風應爽節搖落漸疎林吹雲旅鴈斷臨谷曉松吟屢

惜一作棄涼秋扇常飄清夜琴泠泠隨列子彌諧逸豫心

題新雲

張正見

西北春雲起遙臨偃蓋松根危纔吐葉氣淺未成峯風  
前飛未斷日處影疑重體輕無五色詎是得從龍

賦得白雲臨酒

白雲蓋濡水流彩入澗川疎葉臨嵇竹輕鱗入鄭船菊  
泛金枝下峯斷玉山前一胡開五色飄飄映十千

閒居對雨

二首

陰鏗

四溟飛且雨三逕絕來遊震位雷聲發離宮電影浮山  
雲遙似帶庭葉近成舟茅簷下亂滴石竇引環流寄言  
一高士如何麥不收

蘋藻降靈祇聰明諒在斯觸石朝雲起從星夜月離八  
川奔巨壑萬頃溢澄陂綠野含膏潤青山帶濯枝嘉禾  
方合穎秀麥已分岐寄語紛綸學持竿詎必知

賦得梅林輕雨

應教

張正見

梅樹耿長虹芳林散輕雨蜀郡隨仙去陽臺帶雲聚飄  
花更濯枝潤石還侵柱詎得零陵燕隨風時共舞

詠採甘露 應詔

江總

祥露曉氛氲上林朝晃朗千行珠樹出萬葉瓊枝長徐  
輪動仙駕清晏留神賞丹水波濤汎黃山烟霧上風亭  
翠旆開雲殿朱絃響徒知恩禮洽自憐名實爽

詠雪

徐陵

瓊林玄圃葉桂樹日南華豈若天庭瑞輕雪帶風斜三  
農喜盈尺六出儂崇花明朝闕門外應見海神車

玄圃觀春雪

張正見

同雲遙映嶺瑞雪近浮空拂鶴伊川上飄花桂苑中影  
麗重輪月飛隨團扇風還取長歌處帶曲舞春風

題雪 應衡陽王教

九冬飄遠雪六出表豐年睢陽生玉樹雲夢起瓊田入  
牕輕落粉拂柳駛飛綿欲動淮南賦亂下桂花前

賦得雪映夜舟

黃雲迷鳥路白雪下鳧舟分沙映冰浦照鶴聚寒流檣  
風吹影落纜錦襍花浮船梁若是桂翻如月照秋

月下秋宴

北齊魏收

此夕甘言宴月照露方塗使星疑向蜀劔氣不關吳良  
交契金水上客慰萱蘇何必應劉輩還來遊鄴都

賀老人星詩

邢邵

瑞動星光照化穆月輪重庶徵符祉錄將以贊時雍

甘露詩

應詔

膏露且漸洽凝液汨於旗草木盡霑被玉散復珠霏誰謂穹昊遠道合若應機

喜雨

魏收

霞暉染刻棟礎潤上雕楹神山千葉照仙草百花榮瀉溜高齋響添池曲岸平滴下如珠落波迴類壁成氣調登萬里年和欣百靈定知丹甌出何須銅雀鳴

對雨

劉逖

重輪宵犯畢行雨旦浮空細落疑含霧斜飛覺帶風濕

槐仍足綠沾桃更上紅無由似玄豹縱意坐山中

詠日

應趙王教

周康孟

金烏升曉氣玉檻漾晨曦先汎扶桑海返照若華池洛浦全開鏡衡山半隱規相權承愛景共惜寸陰移

山池落照

王褒

竹館掩荆扉池光晦晚暉孤舟隱荷出輕棹染苔歸浴禽時侶竄驚羽忽單飛

詠月

日色當秋夜斜暉映薄帷上弦如半璧初魄似蛾眉渡雲光忽駛中天影更遲高陽懷許掾對此益相思

五言古詩

卷三十一

二十三



望月 庾信

夜光流未曙金波影尚賒照人非七子含風異九華  
新半壁上桂滿獨輪斜乘舟聊可望無假逐仙一作槎

新月

鄭環唯半出秦鈎本獨懸若教臨酒影堪言照弩弦

奉和趙王喜雨

玄霓臨日谷封蟻對雲臺投壺欲起電倚柱稍驚雷  
白沙如濕粉蓮花類洗杯驚鳥洒翼度濕鴈斷行來浮橋  
七星起高堰六門開猶言祀蜀帝卽似望荆臺歛田終  
上上原野自萁萁

和李司錄喜雨

純陽實久亢雲漢乃昭回臨河沈璧玉夾道盡龍媒  
離光初繞電震氣始乘雷海童還碣石神女向陽臺雲逐  
魚鱗起渠隨龍骨開崩沙雜水去臥樹擁槎來嘉苗雙  
合穎熟稻再含胎屬此欣膏露逢君擗揆才愧乏瓊將  
玖無酬笑且偲

對雨

繁雲猶暗嶺積雨未開庭階含侵角路鑊滿溜疏萍濕  
楊生細椹爛草變初螢徒勞看蟻封無事祀靈星

喜晴

應詔敕自疏韻

御辯誠膺錄維皇稱有建雷澤昔經漁負夏時從販栢  
梁驂駟馬高陵馳六傳有序屬賓連無私表平憲河堤  
崩故柳秋水高新堰心齋愍昏墊樂徹憐胥怨禪河秉  
高論法輪開勝辯王城水闕息洛浦河圖獻伏泉還習  
坎歸風已回巽桐枝長舊圍蒲節抽新寸山藪欣藏疾  
幽棲得無悶有慶兆民同論年天子萬

喜霽

比日思光景今朝始暫逢雨住便生熱雲晴卽作峰水  
白澄還淺花紅燥更濃已歡無石燕彌欲棄泥龍

同顏大夫初晴

夕陽含水氣反景照河隄濕花飛未遠陰雲歛尚低  
燥還爲石龍殘更是泥香泉酌冷澗小艇釣蓮溪但使  
心齊物何愁物不齊

詠霧

應詔

王褒

七條開早陌五里闇朝氛帶樓疑海氣含蓋似浮雲方  
從河水上預奉綠圖文

郊行值雪

庾信

風雲俱慘慘原野共茫茫雪花開六出冰珠映九光還  
如驅玉馬暫似獵銀獐陣雲全不動寒山無物香薛君  
一狐白唐侯兩驪驪寒關日欲暮披雪渡河梁

詠春近餘雪 應詔

送寒開小苑迎春入上林  
絲條變柳色香氣動蘭心  
待花將一作思對酒留雪擬  
彈琴陪遊愧並作空見奉恩深

賦得四更 應詔

四更天欲曙落月垂關下  
深谷暗藏人欹松橫礙馬

月夜觀星 隋煬帝


團團素月淨脩脩夕景清  
谷泉驚暗石松風動夜聲  
披衣出荆戶躡履步山楹  
欣覩明堂亮喜見泰階平  
觜參猶可識牛女尚分明  
更移斗柄轉夜久天河橫  
裴徊不能寐參差幾種情

奉和 諸葛穎

窈窕神居遠蕭條更漏深  
薄煙淨遙色高樹肅清陰  
星月滿茲夜燦爛還相臨  
連珠欲東上團扇漸西沈  
澄水含斜漢脩樹隱橫參  
時聞送籌杵屢見繞枝禽  
聖情記餘事振玉復鳴金

奉和 袁慶

六龍出匿影顧兔始馳光  
戎井傳宵漏山庭引夕涼  
宸居多勝託閒步出琳堂  
爛爛星芒動耿耿清河長  
青道移天駟北極轉文昌  
喬枝猶隱畢絕嶺半侵張  
仰觀留玉裕睿作動金相  
無庸徒抱寂何以繼連章



奉和

虞世南

早秋炎景暮初弦月彩新清風滌暑氣文露淨翫塵蕩  
霧銷輕縠鮮雲卷夕鱗休光灼前耀瑞彩接重輪緣情  
摘聖藻並作命徐陳宿草誠渝濫吹噓偶縉紳天文豈  
易述徒知仰北辰

奉和

蕭琮

陽精去南陸大曜始西流夕風淒謝暑夜氣應新秋重  
門月已映嚴城漏漸脩臨風出累榭度月蔽層樓靈河  
隔神女仙轡動星牛玉衡指棟落瑤光對幌留徒知仰  
闔闔乘槎未有由

暮秋望月

示學士各釋愁應教

徐儀

碣石寒光遠 秋色高長洲正下葉曲岸已飛濤君  
王悵晚節延佇謁神臯復屬西園夜輕輦暫遊遨遊遨  
未云賞蒼茫孤月上枝間影合離波上光來往此夕未  
央宮應照仙人掌掌高明轉淨夜深留睿想處處敞高  
扃流照滿珠庭重輪入雅曲合璧應祥經燦爛浮珠網  
參差間玉星山幽有芳桂林靜發新萸開布帝城分  
枝共月明斜暉漸西落彌軫望歸情驂駕且來遊聖藻  
命舒愁詢芻以蠲病參妙本難酬良史稱天閔因時命  
應劉楚王追綠兕齊后出青丘馳原落雲翼截水曳吞

舟無勞子虛咤卽事可忘憂

臥病喜霽開扉望月 簡宮內知友 庾抱

秋雨移弦望疲痾倦苦辛忽對荆山壁委照越吟人高  
高侵地鏡皎皎徹天津色麗班姬篋光潤洛川神輪輝  
池上動桂影隙中新懷賢雖不見忽似暫參辰

雨晴 王冑

初晴物候涼夕景照山莊殘虹低飲澗新溜上侵塘風  
度蟬聲遠雲開鴈路長

翫雪 玉衡

寒庭浮暮雪疑從千里來皎潔隨處滿流亂逐風迴壁

臺如始構瓊樹似新栽不待陽春節誰持 一作將 競落梅

詠春雪 陳子良

光映妝樓月花承歌扇風欲妬梅將柳故落早春中

於冬日普光寺臥疾值雪 簡諸舊遊 釋慧淨

臥痾苦留滯闢戶望遙天寒雲舒復卷落雪斷還連疑  
華照書閣飛素婉琴弦迴飄洛神賦皎映齊紈篇縈階  
如鶴舞拂樹似花鮮徒賞豐年瑞沉憂終自憐

賦辭無壯樹樹芬蕪去賞豐平潔清晏然自對  
華淵書閣雜素澹琴瑟歐颺谷輒知如如  
烟綠苦留帶關只望對天寒雲恰好綠春  
於冬日普光寺烟飛直雲  
光烟妖對月并承烟風俗敢賦雜賦對落早春中  
精春雲  
刺子夏

詩所第三十二卷

五言古詩

贈四王冠詩

永平四年外弟王景系兄弟並冠故貽之

漢應亨

濟濟四令弟妙年踐二九令月惟吉日成服加元首人  
咸飾其容鮮能離塵垢雖無兕觥爵杯醮傳旨酒

和定襄侯初笄

梁劉孝威

合鬟仍昔髮畧髮即前絲從今一梳罷無復更縈時

感婚詩

晉張華

駕言遊東邑東邑紛禳禳婚姻及良時嫁娶避當梁窈  
窕出閨女嫵婉姬與姜素顏發紅華美目流清揚韡煒  
衆親盛於我猶若常譬彼暮春草榮華不再陽

伉儷

嵇含

余執百兩轡之子詠采繁我憐聖善色爾悅慈姑顏裁  
彼雙絲絹著以同功綿夏搖比翼扇冬臥一作坐蛩蛩  
饑食並根粒渴飲一流泉朝蒸同心 暮庖比目鮮挹  
用合卺醕受以連理盤朝采同本芝夕掇驪穗蘭臨軒  
樹萱草中庭植合歡

定情聯句

一云與妻李夫人

賈克

室中是阿誰歎息聲正悲賈歎息亦何為但恐大義虧  
李大義同膠漆匪石心不移賈人誰不慮終日月有合  
離李我心子所達子心我所一作亦知賈若能不食言與

君同所宜李

少年新婚為之詠

梁沈約

山陰柳家女薄言出田墅丰容好姿顏便僻巧言語腰  
肢既軟弱衣服亦華楚紅輪映早寒畫扇迎初暑錦履  
並花紋繡帶同心苴羅襦金薄厠雲髮花釵舉我情已  
鬱紆何用表崎嶇託意眉間黛申心口上朱莫爭三春  
價坐喪千金軀盈尺青銅鏡徑寸合浦珠無因達往意  
欲寄雙飛鳧裾開見玉趾衫薄映凝膚羞言趙飛燕笑  
殺秦羅敷自顧雖悴薄冠蓋曜城隅高門列騶駕廣路  
從驪駒何慚鹿盧劔詎減府中趨還家問鄉里詎堪特

持一作作夫

看伏郎新婚

何遜

霧夕蓮出水霞朝日照梁何如花燭夜輕扇掩紅粧良  
人復灼灼席上自生光所悲高駕動環珮出長廊

左右新婚

一作劉緩

劉瑗

小史如初日得婦類行雲琴聲

一作綺琴

妾曾聽桃子

一作繡桃

塔經分蛾眉參意畫繡被共籠薰偏增使君妬無趣遣

相聞

一作可憐雙美合休持惱使君

看新婚

陳周弘正

莫愁年十五來聘子都家塔顏如美玉婦色勝桃花帶

啼疑暮雨含笑似朝霞暫却輕紈扇傾城判不賒

泰山

宋江夏王義恭

大明總神武乘時以御天金牒封梁甫玉簡禪岱山

侍東耕

謝莊

肅鑣奉晨發恭帶厠朝聞仙鄉降朱靄神郊起青雲陰  
臺承寒彩陽樹迎初熏觀德欣臨藉瞻道樂遊汾

前題

顏延之

提封經地域辰角麗天節浮靄起青壇沈腴發緝耦草  
服薦同穗黃冠獻嘉壽

藉田

梁武帝



寅賓始出日律中方星鳥千畝土膏紫萬頃陂色縹嚴  
駕佇霞昕浥露逗光曉啟行天猶暗伐鼓地未悄蒼龍  
發蟠蜿青旂引窈窕仁化洽孩蟲德令禁胎天耕藉乘  
月映遺滯指秋杪年豐廉讓多歲薄禮節少公卿秉耒  
耜庶甿荷鋤耰一人慙百王三推先億兆

奉和

簡文帝

禮經聞往說觀寶著遐篇豈如春路動祈穀重民天蒼  
龍引玉軼交旗影曲旃皮軒承早日豹尾拂游煙地廣  
重畦淨林芳翠幕懸青壇出長畎帷宮繞直阡秉耒光  
帝則報獻重皇虔度諧金石奏德厚歌頌詮三春潤莫

莢七月待鳴蟬鯉魚顯嘉瑞銅雀應豐年不勞鄭國雨

無榮

一作庸

鄴令田是知躬稼美兼聞富教宣

從藉田

五章應衡陽王教作

陳張正見

帝京惟赤縣神居應紫微塗山萬國仰滄海百川歸東  
郊事平秩仲月祀靈威含光開早扇闔闔啟朝扉  
洛城鍾漏息靈臺雲霧卷森森虎戟前藹藹鑾旂轉屬  
車遊絳闕風鳥度丹巘帳殿幸金輿旌門擁玉輦  
玉輦帶非煙金輿映綠川雨師清遠路風伯靜遶天分  
渠通沃野激水入公田草發青壇外花飛蒼玉前  
蒼玉臨瑤瑩青壇躬帝籍肩楸乃三推齊衡均百辟蘭

場儼芝駕桂圃芳瑤席山禽韻管弦野獸和鍾石  
鍾石既相和江海復無波梁客簪裾盛陳王文雅多脩  
途參弱駘喬木間輕蘿幸承濫吹末擊壤自爲歌

和劉尚書兼明堂齋宮

梁元帝

質明攝上宰詰旦乘輶軒四圭邸蒼玉六變舞雲門香  
浮鬱金酒煙繞鳳凰樽貂冕交輝映珩珮自相喧微風  
颺清管輕雨發陳根新花臨御陌春色起天園河間獻  
樂語斯道媿能論

恭職北郊

傅昭

皇猷屬穹昊至德通深淵禋望沿禮舉咸秩資化宣端

職恭瘞祀飭躬奉嚴蠲淑氣符首節光風臨上年

從駕北郊

周王褒

維皇敬明祀望拜出河東地靈開複道營星發紫宮衡  
街響清蹕偵候起相風森沈羽林騎肅穆虎賁弓

駕出園丘

隋盧思道

開年簡時日上辛稱天吉平曉禁門開隱隱乘輿出乘  
輿出九重金根御六龍章移千乘動旆舉百神從黃麾  
引朱節靈鼓應華鍾神歌已相續神光復相燭風中颺  
紫煙壇上埋蒼玉

拜陵廟作

宋顏延之

五言古詩 卷三十二  
周德恭明祀漢道遵光靈哀敬隆祖廟崇樹加園塋遠  
事休命始投迹階王庭陪廁廻天顧朝讌流聖情早服  
身義重晚達生戒輕否來王澤竭泰往人悔形敕躬慙  
積素復與昌運并恩合非漸漬榮會在逢迎夙御嚴清  
制朝駕守禁城束紳入西寢伏軫出東坳衣冠終冥漠  
陵邑轉葱青松風遵路急山烟冒壠生皇心憑容物民  
思被歌聲萬紀載絃吹千歲託旒旌未殊帝世遠已同  
淪化萌幼壯困孤介未暮謝幽貞發軔密夷易歸軫慎  
崎傾

從拜陵

登京峴作

鮑照

孟冬十月交殺盛陰欲終風烈無勁草寒甚有凋松  
井冰晝結士馬羶夜重晨登峴山首霜雪凝未通息鞍  
循隴上支劍望雲峰表裏觀地險昇降究天容東嶽覆  
如礪瀛海安足窮傷哉良永矣馳光不再中衰賤謝遠  
願疲老還舊邦深德竟何報徒令田陌空

祠太廟

孔欣

束帶從王事結纓奉清祀蕭蕭禁闈內翳然絕塵軌  
峩高堂上層構鬱雲起明發修薦享矜悚不遑止罄折  
階廊間棲棲常靡已

太廟齋夜

梁張率

潔齋謝紛華一作寂寥清廟靜肅襟視牲盛端服侍嚴省

祀敬亭山廟

齊謝朓

翦削兼太華崢嶸跨玄圃具闕眈阿宮薛帷陰網戶參差時未來徘徊望豐浦椒糝若馨香無絕傳終古

賽敬亭山廟

喜雨作

又悵懷椒糝蠲景潔營薌登秋雖未獻望歲佇年祥潭淵深可厲狹邪車未方朦朧度絕限出沒見林堂秉玉羣帝樽桂迎東皇排雲接虬蓋蔽日下霓裳會舞紛瑤席安歌遶鳳梁百味芬綺帳四座沾羽觴福被延民

澤樂極思故鄉登山騁歸望原雨晦茫茫胡寧昧千里解珮拂山莊

祀敬亭山廟聯句

水府衆靈出石室寶圖開白雲帝鄉下行雨巫山來府歌風讚靈德舞蹈起輕埃高軒乍留吹玄羽或徘徊何事福降羣仙下識逸百神該青鳥飛層隙赤鯉泳瀾隈齊舉郎

和蕭東陽祀七里廟

梁簡文帝

萬里實幽宗三神亦天構豈謂木石精斯乃山川守遠來太白旗遙徵青鳥候以茲敬弗怠方知教應富

從駕祀麓山廟

陳陽慎

聖德憂民暇麾旆謁山靈畫航汎北渚文馬侍東平春  
浦戈鋌照寒林鏡吹鳴依稀長安驛蕭條都尉城并泉  
能共動江帆得分行牕幽細網合皆靜落花明欄巢始  
入燕軒樹已遷鶯菲菲蘭俎馥淡淡桂樽清銀塘一作堂  
日影盡玉座舞衣輕

祀卞山楚廟

江總

蘋藻祈明德倚棹息岩阿忽聽晨雞曙非復楚宮歌聞  
階薙宿薺古木斷懸蘿帷堂寂易晚桴鼓自相和盛祀  
流百世英威定幾何

攝官梁小廟

疇昔遊依所今日薦櫻時憲章誠有革歲月遂難思故  
人獨之子宮聯更在茲虛簷靜暮雀洞戶映光絲平生  
復能幾語事必傷悲

樂將殫恩未已

應詔

梁沈約

茂鏘笙管迺參差舞行亂輕肩既屢舉長巾亦徐換雲  
髮垂寶花輕粧染微汗羣臣醉又飽聖恩猶未半

觀樂

應詔

王暕

趙瑟含清音秦箏凝逸響參差陳九夏依遲分四上從  
風繞金梁含雲映珠網遞奏豈二八繁絃非一兩幸叨

東郭吹側一作陪南風賞忘味信鏗鏘淪和終俯仰輕

塵已飛散游魚亦翻蕩恩光實難遇詠言寧易放

奉敕於太常寺修正古樂

隋何妥

大道遺鐘鼓至樂貴忘情俗久淳和變年深禮教生  
嘯谷調孤管崙山學鳳鳴浮雲成舞曲白雪作歌名  
聞詩六義辨觀漏八風平肅穆皇威暢淪漣河水清  
鈞天動絲竹括地響錚鉦盡美兼韶濩盛德總咸英  
寥亮鳧鍾徹飄揚翟羽輕小臣屬千載時幸預簪纓  
行欣負蒼璧衢壇聽九成

樂部曹觀樂

京游餘風大陶唐遺思深何如觀徧舞奏鼓間  
擬金清管調絲竹朱絃韻雅琴八行陳樹羽六德  
審知音至道兼韶濩充庭總韎任高天度流火落  
日廣城陰百神諧景福萬國仰君臨大樂非鐘鼓  
且用戒民心

於太常寺聽陳國蔡子元所校正聲樂

許善心

維陽成禮樂治定昔君臨克庭觀樹羽之一作上帝仰  
縱金既因鍾石變將隨河海沈湛露廢還序承風絕  
復尋袞章無舊迹韶夏有餘音澤竭英莖散人遺  
憂思深悲來未減瑟淚下正聞琴詎似文侯睡聊  
同微子吟鍾奏

殊南北商聲異古今獨有延州聽應知亡國音

觀太常奏新樂

孔德紹

大君膺寶曆出豫表功成鈞天金石響洞庭弦管清八  
音動繁會九變叶希聲和雲留睿賞薰風悅聖情感烈  
光韶濩易俗邁咸英竊吹良無取率舞抃羣生

和孔侍郎德紹

卜斌

昔人夢上帝尚喜頌鈞天况茲開景業作樂武功宣大  
雅廢還理乘風毀更懸中和誠易擬韶夏詎相延捷爲

一作泗濱

磬響徹嶰谷管聲傳小臣滄清長奉南風弦

奉和月夜聽軍樂

應詔

薛道衡

旌門臨古堞微道度深隍月冷疑秋夜山寒落夏雲  
空澄暮色清景散餘光笳聲喧隴水鼓曲噪漁陽沈鬱  
興神思眺聽發天章嵩岱終難學丘陵徒自強

和許給事善心戲場轉韻

京洛重新年復屬月輪圓雲間璧獨轉空裏鏡孤懸萬  
方皆集會百戲盡來前臨衢車不絕夾道閣相連驚鴻  
出洛水翔鶴下伊川艷質迴風雪笙歌韻管弦佳麗儼  
成行相攜入戲場衣類何平叔人同張子房高高城裏  
髻綫樓上粧羅裙飛孔雀綺帶垂鴛鴦月映班姬扇  
風飄韓壽香竟夕魚負燈徹夜龍銜燭歡笑無窮已歌

詠一作吹還相續羌笛隴頭吟胡舞龜茲曲假面飾金銀  
盛服搖珠玉宵深戲未闌競為人所難臥驅飛玉勒立  
騎轉銀鞍縱橫既躍劔揮霍復跳丸抑揚百獸舞盤跚  
五禽戲狡狴弄玃足巨象垂長鼻青羊跪復跳白馬廻  
旋騎一作駛忽覩羅浮起俄看鬱昌至峯嶺既崔嵬林叢  
亦青翠麋鹿一作麇麇下騰倚猴猿或蹲跂金徒列舊刻玉  
律動新灰甲萋垂陌柳殘花散苑梅繁星漸寥落斜月  
尚徘徊王孫猶勞戲公子未歸來共酌瓊酥酒同傾鸚  
鵡杯普天逢聖日兆庶喜康哉

奉和賜餽

王胄

河洛稱朝市崑函寶輿區周營曲阜作漢建奉春謨大  
君苞二代皇居盛兩都招搖正東指天駟迺西驅展軫  
齊玉軼式道耀金吾千門駐罕畢四達儼車徒是節春  
之暮神臯華實敷皇情感時物睿思屬粉榆詔問百年  
老恩隆五日醑小人荷鎔鑄何由答大鑪



少思對正日翻小人荷容論何由答六齡  
公暮嗚皇華寶輝皇朝風和時暑退風竹飈  
於主輝左道獸金吾千門起罕畢四野  
蒼蒼二外皇風盈兩帝時對五東計天  
國本神降市制函寶與國周營曲阜  
於冀數奉春驚大

詩所第三十三卷 五言古詩

廣陵觀兵 一云至廣陵於馬上作 魏文帝

觀兵臨江水水流何湯湯戈矛成山林玄甲耀日光猛  
將懷暴怒膽氣正縱橫誰云江水廣一葦可以航不戰  
屈敵虜戢兵稱賢良古公宅岐邑實始剪殷商孟獻營  
虎牢鄭人懼稽顙充國務耕殖先零自破亡興農淮泗  
間築室都徐方量宜運權略六軍咸悅康豈如東山詩  
悠悠多憂傷

於黎陽作

千騎隨風靡萬騎正龍驤金鼓震上下千戚紛縱橫白

旄若素霓丹旗發朱光追思太王德胥宇誠足臧經歷  
萬歲林行行到黎陽

校獵 二首

行行遊且獵且獵路南隅彎我烏號弓騁我織驪駒走  
者貫鋒鏑伏者斃戈及白日未及移手獲三十餘  
巾車出鄴宮校獵東橋津重且施密網罕臯飄如雲彎  
弓忽高馳一發連雙麕

從征

陳思王植

皇考建世業余從征四方櫛風而沐雨萬里蒙露霜劍  
戟不離手鎧甲爲衣裳

從征還 二首

應璩

放戈釋甲胄乘軒入紫微從容侍帷幄光輔日月暉  
丈夫要雄戟更來宿紫庭今者宅四海誰復有不平

失題

晉傅玄

彎我繁弱弓弄我丈八稍一舉覆三軍再舉殄戎貊

迎大駕

潘尼

南山鬱岑崱洛川迅且急青松蔭脩嶺綠繁被廣隰朝  
日順長塗夕暮無所集歸雲乘洈浮淒風尋帷入道逢  
深識士舉手對吾揖世故尚未夷嶠函方嶮澁狐狸夾  
兩轅豺狼當路立翔鳳嬰籠檻騏驥見維繫俎豆昔嘗

聞軍旅素未習且少停君駕徐待干戈戢

從軍詩

于寶

壯士稟桀姿氣烈有自然俯仰羣雄中胡能救世艱闕  
鞏代縫掖兜鍪易進賢

南林彈

桓玄

散帶躡良駟揮彈出長林歸翮赴舊栖喬木轉翔禽落  
羽尋絕響屢中轉應心

北伐

宋文帝

季文一作父鑒禍先辛生識機始崇替非無徵與廢要有  
以自昔淪中畿條焉盈百祀不覩南雲陰但見胡塵起

亂極治必形塗泰由積否方欲除一作滌遺氛矧乃穢邊

鄙眷言悼斯民納隍良在已逝將振宏綱一作羅一麾同

文軌一末有時乎豈再來河清難久恃駘駟安局步騏驎志千里梁傳畜義心伊相抱深恥賞契將誰寄

滑臺詩

逆虜亂疆場邊將嬰寇仇堅城効貞節攻戰無慙休覆  
藩不可拾離機難復收勢謝歸塗單於焉見幽囚烈烈  
制邑守舍命蹈前修忠臣表年暮貞柯見嚴秋楚莊投  
袂起終然報強讐去病辭高館卒獲舒國憂戎事諒未  
殄民患焉得廖撫劍懷感激志氣若雲浮願想凌扶搖

五言古詩 卷三十三 三  
弭旆拂中州爪牙申威靈帷幄騁良籌華裔混殊風率  
土浹王猷惆悵懼遷逝北顧涕交流

北伐

孝武帝

表裏跨原隰左右御川梁月羽皎素魄皇旗艷赤光

從軍詩

江夏王義恭

束甲辭京洛負戈事烏孫後軍濟大河築壘黎陽屯日  
聞羽檄飛夕見邊驛奔

彭城會詩

謝朓

先蕩臨淄穢却清河洛塵華陽有逸驥桃林無伏輪

江都平解嚴

謝莊

肅旗簡廟律聳鉞暢軋靈朝晏推物泰通渥抃身寧鑿  
轅歌至世撫壤頌惟馨

從武帝琅邪城講武

應詔

齊王融

治兵聞魯策訓旅見周篇教民良不棄任智理恒全白  
日映丹羽頰霞文翠旃凌山炫組甲帶水被戈船凝葭  
鬱摧愴清管乍聯綿早逢文化洽復屬武功宣願陪玉  
鑾石一舉掃燕然

前題

梁沈約

九功播祧墀七德陳武懸展事昌國圖息兵由重戰皇  
情咨閱典出車迨辰選飭徒映寒隰翻綏臨廣甸颯杏

佩吳戈參差腰夏箭風旆舒復卷雲霞清以轉輕舞信  
徘徊前歌且遙衍秋原嘶代馬朱光浮楚練虹壑寫飛  
文巖阿藻餘絢發震嶽靈從揚旌水華變憑高訓武則  
中天起遐眷鳳蓋捲洪河珠旗掃一作拂長汧方待翠華  
舉遠適瑤池宴

北戍琅邪城

齊江孝嗣

驅馬一連翩日下情不息芳樹似佳人惆悵余何極薄  
暮苦羈愁終朝傷旅食丈夫許人世安得顧心臆按劍  
勿復言誰能耕與織

和江丞孝嗣

謝朓

春城麗白日阿閣跨層樓蒼江忽渺渺驅馬復悠悠京  
洛多塵霧淮濟未安流豈不思撫劍惜哉無輕舟夫君  
良自勉歲暮勿淹留

講武宴

梁武帝

止殺心自詳勝殘道未遍四主慚懷音九夷稍革面世  
治非去兵國安豈忘戰釣臺聞史籍岐陽書記傳

奉和二首

簡文帝

校尉開踈勒將軍定月支南通新息柱北屆武陽碑豫  
遊戲馬館教戰昆明池銀塘瀉清渭銅溝引直滴常從  
良家子命中幽并兒金鞍飾紫佩玉燕帖青驪車書今

已共願奏云亭儀

祭壺今息鼓董案或開帷聊舉青龍陣正取絳宮時犒  
兵隨後拒輒祭逐前師軍門初露節步陳始分旗

望軍

一云登城北望

登樓傳昔賦出薊表前聞灞陵忽回首河隄徒望軍茲  
焉聊迴眺極目杳難分一水斜開岸雙城遙共雲

奉和

庾肩吾

誓師屠六郡登城望九嶼山沈黃霧裏地盡黑雲中霜  
戈曜壠日哀笳斷塞風

仰和衛尉新渝侯巡城口號

簡文帝

帝京風雨中層闕煙霞浮玉署清餘熱金城含暮秋水  
觀凌却敵槐影帶重樓

前題

庾肩吾

維城寄右戚巡警屬勤王南瞻通灞岸北眺指橫茫入  
漢飛延閣臨雲出建章步逐天津遠城隨秋夜長露槐  
落金氣風寮上新涼

前題

王筠

閶闔曖已昏鈞陳杳將暮棲鳥城上返一作喧晚雀林中  
度屯衛時巡警凝威肆安步閣道趨文昌禁兵連武庫  
銅烏迎早風金掌承朝露杳恩分曉色睥睨生秋霧維

城任寄隆空想靈均賦伊余方病免丘園保恬素

正陽堂宴勞凱旋

沈約

凱入同高宴飲至均多  
祜昔往歌采薇今來歡杖杜善  
戰惟我皇勝之不窺戶  
推轂授神謨餘壯終能買浩蕩  
金壘溢周流玉觴傳

出重圍和傅昭

魯連揚一策陳平出六奇  
邯鄲風雨散白登烟霧維排  
雲出九地陵定振五厄

從蕭驃騎新帝壘

江淹

魘妖毀王度虹氣咀王猷  
上宰軫靈略宏威肅廣謀編

嶮冒戈堞棄嶠架烽樓  
燕丘歌越水代馬思吳州  
金笳夜一遠明月信悠悠  
雲色被江出煙光帶海浮  
開襟狹蒼宇拓遠局溟洲  
折日承丹谷總駕臨青丘  
仄待飈霧晏方從畎壑遊

從渡江

庾肩吾

八陣引佳兵三河總艦舳  
絳天揚遠旆雷野驅長轂  
夜劒動星芒秋潮驚箭服

從駕送軍

陳沈炯

惟堯稱乃武軒后號神兵  
弔民資智勇治亂屬師貞  
我君膺寶業歷駕視前英  
蒲海方無浪夷山未有平  
星光

下結旆劒氣上舒精雲開萬里徹日麗百川明撫鼓山  
靈應詔蹕水祇驚

和諸葛覽從軍游獵

張正見

治兵耀武節縱獵駭畿封迅騎馳千里高竄起百重騰  
麋斃馬足饑鼯落劒鋒雲根飛燒火鳥道絕禽蹤方羅  
四海俊聊以習軍戎

從北征

北齊祖珽

翠旗臨塞道靈鼓出桑乾祁山斂霧霧瀚海息波瀾戍  
亭秋雨急關門朔氣寒方繫單于頸歌舞入長安

前題

裴讓之

沙漠胡塵起關山烽燧驚皇威奮武畧上將總神兵高  
臺朔風駛絕野寒雲生匈奴定遠近壯士欲橫行

征行詩

高昂

隴種千口牛泉連百壺酒朝朝圍山獵夜夜迎新婦

從駕觀講武

周庾信

校戰出長楊兵欄入闔場置陣橫雲起開營鴈翼張門  
嫌磁石礙馬畏鐵菱傷龍淵觸牛斗繁弱駭天狼落星  
奔驥驟浮雲上驪驪急風吹戰鼓高塵擁貝裝駭猿時  
落木驚鴻屢斷行樹寒條更直山枯菊轉芳一作香豹略  
推全勝龍圖揖所長小臣欣寓目還知奉會昌



奉報趙王出師在道賜詩

上將出東平先定下江兵彎弓一作伏石動振鼓沸沙  
鳴橫海將軍號長風駿馬名雨歇殘虹斷雲歸一鴈征  
暗巖朝石濕空山夜火明低橋澗底渡狹路花中行錦  
車同建節魚軒異泊營軍中女子氣塞外夫人城小人  
爭攝養岐路阻逢迎幾月芝田熟何年金竈成哀笳關  
塞曲嘶馬別離聲王子身為寶深思不倚衡

侍從徐國公殿下軍行

八風占陣氣六甲候兵韜置府仍張幕麾軍卽秉旄長  
旗臨廣武烽火照成臯巡塞重挾纊酌水勝單醪陣後

雲逾直兵深星轉高電燄驅龍馬山精鑲寶刀塞迥翻  
榆葉關寒落鴈毛既得從神武何須念久勞

和趙王送峽中軍

樓船聊習戰白羽試攜軍山城對却月岸陣抵平雲赤  
虵懸弩影流星抱劍文胡笳遙警夜塞馬暗嘶羣客行  
明月峽猿聲不可聞

送衛王南征

望水初橫陣移營寇未降風塵馬足起先暗廣陵江

奉和平鄴應詔

天策引神兵風飛掃鄴城陣雲千里散黃河一代清

和王內史從駕狩

冬狩出離宮還過獵武功澗橫偏礙馬山虛絕響弓更  
羸承落鴈韓盧闔螯熊猶開三面網誰肯一山重

冬狩行四韻連句

應詔

三川羽檄馳六郡良家選觀兵細柳城校獵長楊苑驚  
雉逐鷹飛騰猿看箭轉鳴笳河曲還猶憶南皮返

伏聞遊獵

虞旗喜且晴獵馬向山橫石關魚貫上山梁鴈翅行雪  
平尋兔跡林藜聽雉聲馬嘶山谷響弓寒桑柘鳴聞弦  
鳥自落望火獸空驚無風樹即正不凍水還平誰知茂

陵下願入睢陽城

見征客始還遇獵

貳師新受詔長平正凱歸猶言乘戰馬未得解戎衣上  
林遇逐獵宜春斲合圍漢帝熊猶憤秦王雉更飛故人  
迎借問念舊始依依河邊一片石不復肯支機

和宇文京兆遊獵

獵一作田

小苑禁門開長楊獵客來懸知畫眉罷走馬向章臺澗  
寒泉反縮山晴雲倒回熊饑自舐掌鴈驚獨銜枚美酒  
餘杭醉一作至芙蓉即奉盃

和張侍中看獵

王褒

上林冬狩返回中講射歸還登宣曲觀更獵黃山圍嚴  
冬桑柘慘寒霜馬騎肥縹盧隨兔起高鷹接雉飛獨嗟  
來遠客辛苦倦邊衣

渡北河

隋薛道衡

連旌映激浦疊鼓拂沙一作河洲桃花長新浪竹箭下奔

流塞雲臨遠艦胡風入陣樓劒拔蛟將出駮驚龜欲浮

鴈書終立效燕相果封侯勿恨關河遠且寬邊地愁

從軍詩

一作薛瑩答華永先

亡名氏

桴鼓長在側筆硯永欲捐卷袞不復開干戈以為歡

詩所第三十三卷終

詩所第三十四卷五言古詩

直東宮

答鄭尚書

宋顏延之

皇居體環極設險祗天工兩闈阻通軌對禁限清風跂  
予旅東館徒歌屬南墉寢興鬱無已起觀辰漢中流雲  
藹青闕皓月鑒丹宮踟躕清防密徙倚恒漏窮君子吐  
芳訊感物惻余衷惜無丘園秀景行彼高松知言有誠  
實一作實美價難克克何以銘嘉貺言樹絲與桐

歲暮彭城宮中直

謝靈運

草草眷徂物契契矜歲殫楚艷起行戚吳趨絕歸權脩  
帶緩舊裳素髮改朱顏晚暮悲獨坐一作已鳴鴉歇春蘭

和宋記室省中

齊謝朓

落日飛鳥還憂來不可極  
竹樹澄遠陰雲霞成異色  
懷歸欲乘電瞻言思解翼  
清揚婉禁居秘此文墨職  
無歎阻琴尊相從伊水側

直中書省

紫殿肅陰陰彤庭赫弘敞  
風動萬年枝日華承露掌  
玲瓏結綺錢深沈映朱網  
紅藥當階翻蒼苔依砌上  
茲言翔鳳池鳴珮多清響  
信矣非吾室中園思偃仰  
朋情以鬱陶春物方駘蕩  
安得凌風翰聊恣山泉賞

赴中書

卜伯玉

大方信苞容優渥遂不已  
躍鱗龍鳳池揮翰紫宸裏

直石頭

梁武帝

率土皆王土安知全高尚  
東甞棄黍稷西遊入卿相  
屬逢利建始投分參未將  
尺寸功未施河山賞已諒  
攝官因時暇曳裾聊起望  
鬱盤地勢遠參差百雉壯  
翠壁絳霄際丹樓青霞上  
夕池出濠渚朝雲生疊嶂  
籠鳥易為恩屠羊無飾讓  
泰階端且平海水本無浪  
小臣何日歸頓轡從閒放

和蕭中庶直石頭

齊謝朓

九河亘積岨三變鬱旁眺  
皇州總地德回江欵巖微井

幹艸蒼林雲薨蔽層嶠川霞旦上薄山光晚餘照翔集  
亂歸飛虹蜺紛引曜君子奉神略瞰迥憑重峭彈冠已  
籍甚升車益英妙功存漢冊書榮並周庭燎汲疾移偃  
息董園倚談笑麾旆一悠悠謙姿光且劭讌嘉多暇日  
興文起淵調日余厠鱗羽滅影從漁釣澤渥資投分逢  
迎典待詔詠沼邈含毫專城空坐嘯徒慚皇鑒揆終延  
曲士誚方追隱淪訣偶解金丹要若偶巫咸招帝閭良  
可叫

直學省

梁沈約

秋風吹廣陌蕭瑟入南闌愁人掩軒臥高牕時動扉虛  
館清陰滿神宇曖微微網蟲垂戶織夕鳥傍欄飛  
空為忝江海事多違山中有桂樹歲暮可言歸

西州直

示同員

何遜

日長禁戶倦即事思短晨漏盡唱聲急此理復傷人  
矛盾交為論光壁帶成珍誓將收飲啄得得任心神

寒夜直坊

憶袁三公

蕭子雲

滴滴雨鳴階悄悄茲夜靜風落宣猷樹寒凋承光屏高  
帷曉獨垂華燭夜空冷一作所思不相見方知寒漏永

寓直中庶坊

贈蕭洗馬

王筠

龍樓實九重薄寒殊復早玉堦滋清露銅池結秋潦霜

被守宮槐風驚護門草之子擅文華縱橫富辭藻舒錦  
慙光麗握珠謝竒寶媿予非工文何用披懷抱

冬夜直史館

酬魏少傅

北齊邢邵

年病從橫至動息不自安兼豆未能飽重裘詎解寒况  
乃冬之夜霜氣有餘酸風音響北牖月影度南端燈光  
明且滅華燭新復殘衰顏依候改壯志與時闌體羸不  
壽髮落強扶冠夜景將欲近夕息故無寬忽有清風  
贈辭義婉如蘭先言歎三友次言慙一官麗藻高鄭衛  
專學美齊韓審論一作喻雖有屬筆削少能干一作刊高足  
自無限積風良可搏空想青門易寧見赤松難寄語東

山道高駕且盤桓

和宇文內史入重陽閣

周處信

北原風雨散南宮容衛踈待詔還金馬鶴林歸石渠徒  
懸仁壽鏡空聚茂陵書竹淚垂秋節蓮衣落夏一作故藻  
顧成始移廟陽陵正徙居舊蘭懽悴長殘花爛熳舒別  
有昭陽殿長悲故一作班婕妤

出尚書省

齊謝朓

惟昔逢休明十載朝雲陛既通金閨籍復酌瓊筵醴宸  
景厭昭臨昏風淪繼體紛虹亂朝日濁河穢清濟防口  
猶寬政餐荼更如薺英袞暢人謀文明固天啟青精翼

紫軟黃旗映朱邸還觀司隸章復見東都禮中區咸已  
泰輕生諒昭洒趨事辭宮闕載筆陪旌檠邑里向疎蕪  
寒流自清泚衰柳尚沈沈凝露方泥泥零落悲友朋歡  
娛燕兄弟既秉丹石心寧流素絲涕因此得蕭散垂竿  
深澗底

休沐重還丹陽道中

薄遊第從告思閒願罷歸還邛歌賦似休汝車騎非灞  
池不可別伊川難重違汀葭稍靡靡江菼復依依田鵠  
遠相叫沙鶻忽爭飛雲端楚山見林表吳岫微試與征  
徒望鄉淚盡沾衣賴此盈樽酌含景望芳菲問我勞何

事霑沐仰清徽志狹輕軒冕恩甚戀閨闈歲華春有酒  
初服偃郊扉

休沐寄懷

梁沈約

雖云萬重嶺所翫終一作惟一丘堦墀幸自足安事遠遨  
遊臨池清潄暑開幌望高秋園禽與時變蘭根應節抽  
憑軒舉木末垂堂對水周紫籜開綠篠白鳥映青疇艾  
葉彌南浦荷花遶北樓送日隱層閣引月入輕幃爨熟  
寒蔬剪賓來春蟻浮來往既云勸光景為誰留

下直

一云臨行公車

何遜

擾擾排曙扉鱗鱗驅早駕禁門儼猶閉嚴城方警夜道

五言古詩 卷三十四 五  
勝多增榮拙薄終難化以茲畎澮質重與滄溟舍纒舟  
去濁河揆景辭清灞平生多意緒懷抱皆徂謝念此將  
如何撫心獨悲咤

下直出谿邊望

答虞丹徒敬

夫君美章句席丈珍梁楚伊余忝攝官含毫亦禁阻直  
廬去咫尺心期得宴語休沐乃幽棲別離未幾詩佇立  
日將暮相思忽無緒谿北映初星橋南望行炬死重不  
可越三爵何由舉

歸沐

呈任中丞助

劉孝綽

步出金華省還望承明廬壯哉宛洛地佳麗實皇居虹  
蜺拖飛閣蘭芷覆清渠圓淵倒荷芰方鏡寫簪裾白雲  
夏峯盡青槐秋葉疎自我從人爵蟾兔屢盈虛殺青徒  
已汗司舉未云書文昌愧通籍臨邛幸第如夫君多敬  
愛蟠木濫吹噓時時釋薄領騶駕入吾廬自唾誠碑砮  
無以儷璠璣但願長閒暇酌醴薦焚魚

答劉孝綽

任昉

閱水既成瀾藏舟遂移壑彼美洛陽子投我懷秋作久  
敬類誠言吹噓似嘲謔兼稱夏雲盡復陳秋樹索詎慰  
羞嗟人徒深一作然老夫託一作諾直史兼褒貶轄司專疾  
惡九折多美疾匪報庶良藥子其崇鋒穎春耕勵秋穫



休沐山庭

一云山庭春日

陳江總

洗沐惟五日棲遲在一作對一丘古植橫近澗危石聳前  
洲岸綠開河柳池紅照海榴野花寧待晦  
人生復能幾夜燭非長游

守東華門開

一云守東平中華門開

梁簡文帝

脂車向馳道總轡息中華落關猶待漏交戟未通車薄  
雲初啟雨曙色始成霞塹流鋪紫若城風泛橘花絃誦  
終無取顧已自懷嗟

早朝車中聽望

何遜

詰旦鐘聲罷隱隱禁門通遽車響北闕鄭履入南宮宿

霧開馳道初日照相風胥徒紛絡驛騶御或西東暫喧  
耳目外還保性靈中方驗遊朝市此說不為空

答王筠早朝守建陽門開

陳江總

金甍猶懸鳧銅龍欲啟扉三條息行火百雉照初暉御  
溝槐影出仙掌露光晞

入朝守門開

周王褒

鳳池一作直城通複道嚴駕早凌晨鐵符行警曙銀檠未開  
闔塹暗城無影晴新路不塵屯兵引畫劍騎吹動班輪  
徒知仰睿藻抽辭殊未申

春晚看羣公朝還人為八韻

隋陳子良

遊子惜春暮策杖出蒿萊正直康莊晚羣公謁帝迴履  
度南宮至車從北闕來珂影傍明月笳聲動落梅迎風  
采旄轉照日綬花開紅塵掩鶴蓋翠柳拂龍媒綺雲臨  
舞閣丹霞薄吹臺輕肥寧所羨未若反山隈

奉使北徐州叅丞御

梁庾肩吾

炎農稱卷領唐勛載允恭猶將表世盛尚且號民從未  
如今聖主比德邁前蹤格天垂禮樂寰海置提封粉榆  
諒昔社朱方有舊塘故鄉深帝念巡狩及時雍禁園周  
百里離宮卽九重浮橋還瀉渭抗殿本疏龍過沛追鄉  
飲歸宛盛禮容千金登禹膳萬壽獻堯鐘依然對白水

赤松迴天隨輦道駐日逐戈鋒路遠大風積山

長佳氣濃年光正婉婉春樹轉丰茸竹葉舍初籜莫枝  
發早藜瑞木翻無鳥祥花更少蜂咸英起雲鳳率舞閭  
笙鏞海鷗時出沒江鱣乍唵喁雲邊開鞏樹霧裏識堯  
峯小人濫趨忝虛薄愧無庸皇恩不可報河清徒易逢

在南接北使

一作虞茂

隋虞世基

會玉二嶠至端節三秦歸林蟬疎欲盡江鴈斷還飛墻  
垣崇客館旌蓋入王畿共此敦封植方欣薦紵衣

儀賢堂監策秀才聯句

梁劉溉

雄州試異等揚庭乃專對顧學類括羽竒文若錦績

溉

滋蘭成秀畹照車光赤珮攝官惡簪帶疲痾謝名輩盧  
 乙奏飲餘列甲科光往載深竒無絕蹤孫董有遺槩伏  
 春風涵宛轉遲光乍明昧列秀總中筵羣才盛皇代王  
 如綸疾影響裁蒲啟蒙昧雕龍既已彰青紫行當佩王  
 哀然既玉響高粲亦蘭綵廣川良易追淄水非難配顯  
 貢士光相門搜賢盡幽塞善說理無窮借書心靡誨  
 來彥各東西翼亮更出內康哉信在今伊余事耕耒後

首闕名

詩所第三十四卷

